

लईका मन बर बाईबिल
प्रस्तुत करत हवे ।

एक ठीन
मयारू बेटा के
दास बनना



लिखे गए हवे। : Edward Hughes
उत्साह बढ़ाए गए हवे। : Byron Unger; Lazarus
चयन करे गए हवे। : M. Kerr; Sarah S; Alastair P.
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।




इसहाक हा अब्बड़ खुस रहिस। ओखर बेटा याकुबेच हा ओखर बर सब्बो कछु रहिस। इहाँ तक कि एसाव हा अपन भाई ला परघाईस जेला ओहर एकघा जान ले मारय बर किरिया खाय रहिस। लेकिन याकुब के बेटा हा खुस नाइ रहिस काबर कि युसुफ, ओखर छोटे भाई ददा के अब्बड़ मयारु रहिस।




युसुफ, जब अपन सपना ला ओमन करा बताइस त ओकर भाई मन ओखर बर अब्बड़ अकन जंगा गईस। युसुफ ह कहिस, "अनाज कर मोर पूला हर उतान ठाढ़े रहिस अउ मोर भाई मनके पूला के ढेर हा ओखर आदर म झुके रहिस।" इ सपना कर मतलब इ रहिस कि


युसुफ अपन भाई मन ले जादा महत्वा हो जाहि।




युसुफ कर दुसर सपना मं,
चंदा अउ तारा ओखर आघु म
झुकत रहिन। इहाँ तक कि
अपनेच ला अपन दाई—ददा
अऊ भाई मन ले उपर करए
बर ओखर ददा याकुब घलो
ओखर बर अब्बड़ जंगाइस।




एक दिन याकुब हा, युसुफ ला ओखर भाई मन के लकठा, म चराए
बर भेजिस जेन करा ओमन अपन भेड़ी ला चरात रहिन। भाईमन
ओला आवत देख, धीरे-धीरे कहिन, “चला इ सपना देखोइया ला
मार डाल बो।”




रूबेन सबले बड़खा भाई हा अपन सहमति नई दिस। ओहर कहिस, “हमन ला लहु नई बहाना चाहि।” देखा, “इहा एक ठी खचवा हावय।” ओला उहें मरन देवा। रूबेन, “संझा होय म युसुफल बचाय बर एक ठी योजना बनाईस।”



जभे युसुफ
हा ऊहां पहुचिस,
ओखर भाईमन
ओला झट ले धर लिन,
अऊ रंग बिरंगा बिशेस
अंगरेखा जेन ला याकुब
हा अपन मयारू बेटा
बर बनाय रहिस, ओला
उतार लिन । तभे ओमन
युसुफ ला उ भयानक
खचवा म फेंक
दिन ।




रुबेन के अनुपस्थिति म ऊँटवा मन के
एकठी कारवा दूरिहा मिसर बर अपन
डहर म लकठा ले होत गुजरत रहिस।
“युसुफ ला बेच दे थन,” यहुदा, ओखर
भाई हा केलवली होके कहिस।




सउदा तय होगिस।
ओमन चाँदी के बीस
टुकड़ा बर युसुफ
ला बेच दिन।



लड़बड़ात ऊँटवा मन ओला अपन परवार अऊ जनम भूमि ले दूरिहा
ले जाय लागिस लेकिन युसूफ दुख म भरे, डरहा अउ असहाय होके
नम आंखि ले देखत रहिस।





“का, इ हर युसुफ कर अंगरखा हावे ? इहर लहु म सनाय हावय । हमन एला रेगिस्तान म पाएन ।” क्रूर भाईमन याकुब ला बिसवास करे बर बहकाइन कि ओखर मयारू बेटा ला कोन्हो जंगली पशु हा मार डारिस हावय । याकुब अपन ओन्हा ला चिरीस अऊ रोय लागिस । कोन्हो घलो ओखर मन ला भुलाय नई सकिन ।







मिसर मा, युसुफ डरडरहा अऊ
एकला महसुस करे होही। सायद
ओहर अपन घर बर तरसत होही।
लेकिन ओहर उहाँ ले बाचे नई
सकिस। ओहर मिसर म पोतिपर
नाव के एकठी बिसेस मइनखे के
घर म एकठी दास रहिस। पोतिपर
हा इ देखिस कि युसुफ हा सबो
बेरा कठोर मेहनत करथे अऊ
ओखर ऊपर भरोसा घलो करे
जाय सकत हावय।




पोतिपर हा एक दिन युसुफ करा कहिस
“तैय हा जेन कछु करत हस सब्बो दिन
सब हा बनेच होथे । भगवान तुहर संग
म हावय ।” मैय हा तुहला अपन सेवक
बनाय बर चाहत हावव, “अब ले तेहर
मोर सबो व्यवसाय कर अउ दूसर
नउकर चाकर मनके मालिक होबे ।”




युसुफ के कारन भगवान हा पोतिपर
ला बने फसल अऊ अलग-अलग
धन दउलत दिस। अब युसुफ हा
एकठी महत्वपुरन मइनसे रहिस,
तहुले घलो ओहर भरोसा अऊ
ईमानदारी ले भगवान कर
सेवा करिस। लेकिन युसुफ बर
एकठी फेर तकलीफ आईस।




पोतीपर के घरवाली हा एक ठी दुसर महिला रहिस। ओहर अपन
घरवाला के जघा लेहे बर युसुफ ला कहिस। युसुफ एला इनकार
कर दिस। ओहर पोतिपर के बिरूध म गलत करके भगवान के
खिलाफ पाप करय ला
नई चाहत रहिस।




जब महिला हा ओला करय के कोसिस करिस तब ओहर भाग गिस ।
लेकिन ओहर ओखर अंगरखा ला धर के अपन लकठा म राख
लिस ।



पोतिपर के घरवाली हा सिकायत करिस कि "तुहर दास हा मोर ऊपर म हमला करिस हे। देखव इहाँ ओखर अंगरखा हावय," पोतिपर जंगाए रहिस। हो सकत हावय, ओला पता रहिस कि ओखर घरवाली हा झूठ बोलत रहिस लेकिन ओला कुछु तो करना रहिस। ओहर का करए बाला रहिस?



पोतिपर हा युसुफ ला जेल मा डाल दिस ।



जबकि ओहर निरदोस रहिस,
तहुले युसुफ हा अपन मन म
करु अउ रिसाए नई रहिस ।

साइद उ हा उ कठिनाई ले सीखत रहिस,
कि जदि ओहर भगवान ला सनमान दि हि
त भगवान घलो ओला सनमान करहि, इ
मायने नई रखय कि ओहर कोन अंगत
रहिस—ओहर जेल म घलो काबर नी होए ।



एक ठीन मयारू बेटा के दास बनना

इ कथा हर भगवान के बचन के द्वारा एक ठी बाईबिल


पाए जाथे ।

उत्पत्ति 37, उत्पत्ति 39

"आप मन कर बानी हर एला अंजोर देथे ।"

भजन संहिता 119 : 130





समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

